

جَزَائِرَ مَحَاكِمَتُ

جمعه ایرتسی

نومرو	شعبان	سنه	نیسان	سنه	صفحه
۴۹۰	۱۶	۱۳۰۶	۸	۱۳۰۵	۵۷۵۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرئی ضم اولنور . بهر)
 (نسخه سی ینه مجیدیه یکر می غروش اولمق اوزره بوز پاره به هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولمق استیانلر عدلیه نظارتی)
 (دآره سنده کاتن جریده محاکم اداره سنه مراجعت ایلملیدر)

معاشات قرار نامه سنک آلتش اوچنجی ماده سنده
 محرر ایسه ده بر مأمورده ایکی وکالتک اجتماع
 ایتسنک ممنوعیتنه دآر نظامانده صراحت
 اولدیغی کبی وکالتک تعددی حالنده دخی وکالتک
 اداره اولنسان مأموریتلردن یالکز بریسی ایچون
 معاش آلوبده دیکر لرندن آله مامسی حقنده خرج
 راه قرار نامه سنده ده بر کونه صراحت اولدیغی
 جهتله بوباده نحدث ایدن مشکلاته و مأمورین
 موظفدنک وکالتک دیکر ایکی مأموریتنه تعیین
 اولنهرق برذاتک عهدده سننده اوچ نوع مأموریتک
 اجتماعنده ملحوظ اولان مضرته محل قالماق
 اوزره بعدما مأمورین موظفدن اولنلرک بردن

قسمت سومی

(فی ۲۵ مارت سنه ۳۰۵ تار یخنده)
 (در سعادت بالجمله و ولایات استیناف)
 (مدعی عمومی لکرینه و مدعی عمومی بولنجان)
 (محللر مدعی عمومی معا و نلکرینه یازیلان)
 (تحریرات عمومی صور تیدر)

بر مأمورک هر نه نام و صورت ایله اولور ایسه
 اولسون ولوکه متعدد مأموریتی بولنسون ایکی
 ودها زیاده محلدن معاش آله میه جفی تنسیق

زیاده مأمور بته توکیل و تعیین ابداماسی شورای دولت قرار می اقتضاسندن بولندبغی بوکره بانذکره سامیه اراده و اشعار بیورش و لازم کلنرجه پلنهرک بعدما او اوجهله ایفای معامله اولنق اوزره اشبو تحریرانک نسخ مطبوعه کافیه و مصدقه سی لهما ارسال قلمش اولدبغی بیانیله شقه ترقیم قلمدی .

(فی ۹ شعبان سنه ۳۰۶ و فی ۲۹ مارت)
(سنه ۳۰۵ عموم ولایات استیفاف مدعی ۴۰ میسنه)
(یازیلان تحریرات عمومیه صورتیدر)

مستظلم طرفندن اثنای تحقیقاتده پشین اوله رق استیفا اولنه میان و نتیجه تحقیقاتده منع محاکمدرینه قرار ویریلان خصوصاً صاده النسی لازم کلان استنطاق خرجلرینک نه صورتله استیفا سی لازم کله چکی بهض طرفدن استفسار اولنمدر مدعی شخصیه سی اولیسان و حقوق عمومیه نامنه تعقیب اولنان افعالده منع محاکمه قرار نامه لردن خرج استیفا سی لازم کلوب انجق مدعی شخصیه سی

بولنسان دعاوی جزاییه ده منع محاکمه قرار می ویرلدیکی تقدیرده اثنای استنطاقده تحصیل اولنه میان استنطاق خرجلرینک حتمسز چیقسان مدعی شخصیدن تحصیل اولنق اوزره نتیجه تحقیقاتی متضمن مستظلم طرفندن یازیلده جق قرار نامه لره درج اولنسی و قرار نامه نك مدعی عمومیلکله تبلیغ اولندبغی زمانده مدعی عمومیلک طرفندن دخی تحصیل لازم کله جک انچه نك مقدارینی مبین بر مذکره تنظیمیله اجرا مأموریتنه کوندرلمسی اصول انخاذا اولنمش و لازم کلره تبلیغ اولنق اوزره اشبو تحریرانک نسخ مطبوعه کافیه و مصدقه سی لهما ارسال قلمش اولنقله بعدما او اوجهله ایفای معامله به همت اولنسی سیاقنده شقه ترقیم قلمدی .

قسم غیر رسمی

- (اوچوز بش سنه سی رمضاننده بالدفعات)
- (محمود پاشاده قیامه جی اوغلنک دامادی)
- (قره بت افندی نك مغازه سنده کی قاصه بی)
- (قیروب ایچنده موجود اولان انچه بی سرقت)

- (ایتکه تشبث ایتدکاری ادعا اولنمندن طولابی)
- (منظنون علیهم اولان زاقار ولد وارطان)
- (ولوسیک ولد داویت وقازار ولد بغوص)
- (واغوب ولد مفردیج و حسنک محاکمه علیه)
- (ضبطنامه سی صورتیدر)

اوچوز بش سنه سی رمضاننده بالدفعات محمود پاشاده قیامه جی اوغلنک دامادی قره بت افندی نك مغازه سنده کی قاصه بی قیروب ایچنده موجود اولان انچه بی سرقت ایتکه تشبث ایتدکاری ادعا اولنمندن طولابی منظنون علیهم اولان زاقار ولد وارطان ولوسیک ولد داویت وقازار ولد بغوص واغوب ولد مفردیج و حسنک جنابته اتماملرینه دائر هیئت اتهامیه دن تنظیم اولنسان ۲۸ تشرین ثانی سنه ۳۰۴ تاریخلی و ۳۷۴ نومرولی مضبطه ایله استیفاف مدعی عمومیلکنک ۸ کانون اول سنه ۳۰۴ تاریخلی و ۵۶۹۶ نومرولی اتهام نامه سی اوراق متفرعه سیله ۱۴ کانون اول سنه ۳۰۴ تاریخنده محکمه جنابته تودیع اولنقله بالمطالع اصول محاکمات جزاییه قانونک ایکیوز فرق سکزنچی و ایکیوز فرق طقوزنجی ماده لری احکامنه توفیقاً ماه مذکورک اون بشنجی کونی مرقوموندن مخبر صفتنی قزانش اولدبغی جهته موقوف اولدبغی اکلشیلان حسندن ماعداسی توفیقخانه دن جلب ایله استجواب و مدافعه لرنده

معاونت ایتک اوزره بروکیل انتخاب ایتلری تکلیف اولندقدده چله سی محکمه نزدنده بولنسان دعوی وکیللردن اسمریان سرکز افندی بی بالانتخاب وکیل تعیین ایلدکر بی سونلر بله قانون مزبورک ادعای مفسوخیت حقیقده اولان ایکیوز الی برنجی ماده سی مندرجاتی اخطار قلمش اولدبغی مبین طوتیلان ضبط ورقه سی تحت امضایه الیرلدی ادعای مفسوخیت ایچون مبین اولان مدت قانونیه منقضیه اولنقله مرقومونک اجرای محاکمه لری کانون ناینک طقوزنجی بازار ایتسی کونه قرارلشدیرلدی .

یوم مذکورده مرقوموندن حسن محل اقامتندن و دیکر لری توفیقخانه دن کتوردیلهرک وکیللری اسمریان سرکز افندی یانلرنده اولدبغی و مدعی عمومی معاونی حتی بک حاضر بولندبغی حالده محاکمه علیه به ایتدار ایله متهمون مرقومون استجواب اولندقلرنده بونلردن زاقار بکر می بدی یاشنده ولوسیک اونوز بش یاشنده حال وقازار اونوز درت یاشنده قهوه جی واغوب اونوز سکز یاشنده حال وچله سی دیورکلی و حسن دخی سیواسلی ویکرمی یاشنده سودجی اولدقلرینی سونلر بله کندور بنه وکیل مومی ایله قانون مزبورک ایکیوز التمش دردنجی و ایکیوز التمش بشنجی ماده لری مدلولاتی بعد الاخطار اتهام



مضبوطه سیله اتهامنامه ضبط کاتبی شوکت افندی به قرائت ایتدیرلدی .

مذکور مضبوطه ننگ مآلی مظنون علیهمدن زاقار ولوسیک و قازار واغوب وحسنک قیامه جی اوغلنک دامادی قره بت افندی ننگ مغازه سنده کی قاصه بی قیروب ایچنده موجود اولان اچقه بی سرقت ایتمکله تشبیت ایلدکله یسه داترا اوراق تحقیقیه ده مندرج دلائل و امارات اتهاملری ایچون درجه کفایه ده بولنش و مرقوموندن زاقار واغوب ولوسیک و قازارک حرکتلری قانون جزانک ایکوز اوتوزنجی ماده سی ذیلنک برنجی قهره سی موجبنجه ایکوز یکرنجی وحسنک حرکتی دخی قانون مذکورک ایکوز اوتوزنجی ماده سی ذیلنک اوچنجی قهره سی احکامنی مستلزم افعال جنائیدن کورلمش ایدوکندن جنایتله اتهاملری نه ودیکر مظنون علیهم مارغوص و نیقولی ویانی و قهره بتک فعل مذکوره اشتراک ایلدکله یسه داترا برکونه دلائل و اماراته اقتران اولنه مدیغندن منع محاکمه لری نه قرار ویرلدیکنی و اتهامنامه ننگ مؤداسیدخی مضبوطه مذکوره مندرجاتی وجهله مرقومونک جنایتله متهم بولندقلری بی بیان و ایضا حدین هبارتدر .

قانون مزبورک ایکوز الشمس النجی ماده سنه

توفیقاً اتهامنامه ننگ خلاصه سی متهمون مرقومونه تفهم و معاون مومی الیه طرفندن دخی اسباب اتهاملری تفصیل و تشریح اولندقدن صکره مرقومون سوبلندیرلدکله چله سی فعل سرقرته تصدی ایتمک ماده سنندن عدم معلوماتلری سوبلنرله کندولرنک پولیس داتره سنده اقرار جرم ایتدکلی بیان اولنه رق حضور محکمه ده دخی طوغریسنی افاده ایللری اخطار اولندقدن بولندن زقار برکون کندوسی عدلیه داتره سنه کلدیکی صروده بر پولیس طرفندن در دست اولنه رق باب ضبطه یه کوتوریلوب پولیس قونلش اولدیغندن اوراچه اولان افاده سی قبول ایده میه جکنی و داتره استنطاقده کی افاده سنک طوغری اولدیغنی بیان و دیکرلری دخی انکارلر نه اصرار و سوجی حسن دخی داتره کندوسندن سودالان زیبک قره بت برکون کندوسنه قیامه جی اوغلنک مغازه سنندن سرقرته جرأت ایده جکلرندن کندولری نه رفاقت ایلمنی تکلیف و بر ارقداش ده با بولسنی تنبیه ایتمی اوزرینه طانیدیغنی سابقه لی طابقدن همشهریسی مارغوص مرقوم زیبک قره بت ایله کوریشدیروب حکومته خبر و بر مک فکر بله مرقومونه اشتراک ایدرک متهملردن قازارک قهوه خانه سنده زاقار و لوسیک و زیبک قره بت و مارغوص و قهوه جی مرقوم قازار ایله برلشوب فعل سرقت اجرا سنه قرار ویرلدیکنی و مرقوم مار

غوص قاصه بی قهره جق بنم بیلدیکم اوسته لر اولدر کندولریم دیوکتدیکنی و عودتنده اوسته لری بواب انجق طاقلری بو طرفه چکورمک لازم کله جکنی بالیان مرقومه برلکده غلطه یه کچهرک مؤخرأ اسلری بی او کندیکی بر قسز یا تقو و رفیق نیقولی و دیکر اسمنی بیله مدیکی بر شخص ایله بر خانه دن چانطه و چرال دروننده بر طاقم آلات و ادوات ایله قاصه ننگ بولندیغنی زقاغه کله کلرندن بر جاریک صکره دخی مرقومون روملر و زیبک قره بت و زاقار ورود ایتمش ولوسیک دخی مذکور مغازه ننگ حالنی قهوه خانه ده او بونله مشغول ایتمش ایسه لرده زقافده کلوب چکلرندن وقت بوله مدقلرندن او کچه سرقتی اجرا ایده میوب طاقلری کندوسنک اخورینه کندولری ور قاج دفعه دخی مذکور مغازه به کیرلدیکی حالده ایقاع سرقرته موفق اوله مدقلریقی و نهایت ایتمی حکومته اخبار ایدرک مرقومونی در دست ایتدیردیکنی افاده ایلدی متهمون مرقومونک پولیس داتره سنده ضبط ایدیلان افاداتی و اساس ژورنالی لدی القرائه بولندن زقارک افاده سنک مآلی مذکور مغازه دن بوله بر سرقت تشبیه بولندقلری کی رفقا سنندن زیبک قره بت و مارغوص و قهوه جی قازار اولوب حال اغوبه دخی زیبک قره بت ایتمی اکلاده رق برلکده بولنلری سونلش و مرقومونده موافقت ایتمش ایسه ده مؤخرأ مارغوص مرقوم زیبک قره بتنه غلبه لاق

اولوروز اغوب کلسون دیمش اولدیغندن مذکور مغازه به کیرلمک اوزره کیرلدیکنی کچه اغوبک برلکده بولندیغنی و مذکور مغازه به کیرلمک ایچون دخی برکون راقیسنه کاغذ او بناییلوب سراجخانه کیدیلهرک مزه ایچون المش اولدقلری فندقلری قیرمق بهانه سیله مذکور مغازه ننگ حالنی قیریلدن اختیاری الهرق بر تقریب ایدسخانه ده پروا سی الدقلری بی و اورادن مارغوصه برابر پروا یه موافق اختیاری ایدرمق اوزره غلطه یه کتدکلی بی و ایکی اوچ کون صکره مرقوم مارغوصه ایتمکلی حسن غلطه یه کچهرک قاصه بی قهره جی جقلری بر قسز یانی و نیقولی و از میرلی دنیلان و برینک اسمنی بیله مدیکی درت شخص ایله آلات و ادواتی استانبول طرفنه چکورهرک و کندوسیله لوسیک مذکور مغازه ننگ حالنی قایرلی قهوه خانه ده او بونه طوته رق ایقومش ایسه لرده صب ساحلین زیبک قره بتی کوردیکنده کچه مغازه به کیره مدکلری سونلش و بر قاج کچه صکره دخی تکرار مذکور مغازه بی آچق تشبیه بولنش ایسه لرده یه موفق اوله میوب سارقلرک آلتی حسنک زندنده قالمش اولدیغنی و قازار دخی فعل مذکورده زقار و زیبک قره بت و مارغوص و لوسیکک مدخلاری اولوب بو ایتمی زقار کندوسنه اچهرق اغفالاته بولندیغنی و مرقومون هر داتم کندوسنک قهوه خانه سنده طویلاشه رق بوسرقت کیفیتنی قونش مدقلری بی

و حال قاپریل کندوسیله بمک اکل ایتمکده اولدیغندن
 بمک کج پیشورلمسی کندوسنه تلبیه ایتمکده
 ولوسیک دخی قهوه خانه ده قالب مرقوم قاپریل ایله
 وقت کچور مکده اولدقلمینی ولوسیک دخی کندوسنی
 یوسرقته تشویق ایدن زاقار ایله زیبک قره بت و مارغو-
 س اولوب مغازه نك حالی قاپریلی میخانه به کتوروب
 زقار فندیق قیرمق بهانه سیله مرقوم قاپریلدن
 مغازه نك انختارلمینی الوب مارغوسی بیاض
 کیکه مشابه برشیثک اوزرینه انختارلرک پروواسنی
 الدقلمینی و غلطه دن جلب ایتمکاری کسان
 ایله بالدفعات مغازه بی آچغه تصدی ایتش ایسه لده
 موفق اوله مدقلمینی و کندوسی قهوه جی قازار
 ایله قهوه خانه ده جمال قاپریلی مشغول ایتمکده
 اولدقلمینی و حال اغوب دخی زاقار ایله زیبک
 قره بت بردفعه یاننه کله رک اشبو سرقت فعلنده
 کندورینه رفاقت ایتمسی تکلیف ایتش و بردفعه
 دخی حسن یانلرنده اولدیغی حالده بالورود غلطه دن
 اویج نفر قاصه سارقلری کتوروش ایسه لده سرقت
 فعلنده موفق اوله مدقلمینی و آلات سارقه نك
 مرقوم حسنک زندنه قالدیغنی کندوسنه حکایه
 ایلمدکلمینی اقرار و اعتراف ایتش اولدقلمینی
 و اساس ژورنالنک مالی دخی برطاقم کسانک
 برقومپسانیه اوله رق محمود پاشا طرفنده واقع
 برمغازه دن سرقت فعلنه اجتمسار ایله جککاری
 و بوبایده کی ایضا حاکم کدک پاشاده وزنه دار حسین

جدی افندی دخی نوبت او طه سنده سودجی
 حسن اقرار ایتمکجه حاضر بولنان متهملردن قازار
 ولوسیک دخی تصدیق مقامنده باشلمینی صاللامقده
 اولدقلمینی کوردیکنی و معلوماتی بوندن عبارت
 بولدیغنی اخبار ایتمیلر شهود پوصله سنده اسمی
 محرر اولان قهوه جی بورکی دعوت ایلمدیکی
 حالده کلامش اولدیغندن مضبوط افاده سی لدی
 القرائه کندوسنه ارانه اولنان سودجی حسن
 و مارغوس و نیقولی و یانینک طایدیغنی آدمیلر
 اولیوب قهوه خانه سنه دخی کلوب کلمکلمینی
 بیلمدیکی افاده ایتمیکی اکل شغلله قرائت ایلملان
 افاده و اقرارلرینه و استماع ایلملان شاهدلرک
 ذات و شهادت لرینه نه دیه جککاری متهمون مرقومو-
 ندن صورلدقده انکارلرنده اصرار ایتمبله تعقیب
 تدقیقات ضمننده اساس ژورنالنده اسمی محرر اولان
 ارنبود سعید اغا ایله مذکور مغازه نك بکجیمی
 قاپریلک جلب لرینه و دعوت واقعه اوزرینه کلامش
 اولان قهوه جی بورکیدن معاون مومی الهک طلبی
 اوزرینه اصول محاکمات جزاییه قانونک ایتش
 بشیمی ماده سنه توفیقاً برلیرا جزای نقدی اخذیله
 یوم محاکمه ده دخی کتور دلمسنه قرار ویریله رک
 و بواشدن طولابی مظنون علیه اولدقلمینی حالده
 منع محاکمه لرینه قرار ویراش اولان زیبک قره بت
 و مارغوسک دخی کتور دلمسی جانب ریاستدن نسیب
 اوله رق طرفینه تفهیم و اکیال محاکمه وقت آخره

تعلیق قلمندی

جلبلمی قرار کبر اولنلردن قهوه جی بورکیدن برلیرا
 جزای نقدی التمسنه دایر تنظیم ایلملان اعلان
 مرقومک اقامتگاهی اولان صالی بازارنده یوز
 اوتوز اویج نومرولی قهوه خانه سنه تبلیغ ایلمدیکی
 حالده مرقومک محل مذکور دن چیقوب نظرفه
 کتدیکی مجهول بولدیغنی خدمه احمد اغا
 طرفندن جلب نامه زیرینه یازیلان راپورتدن
 اکلشلس و مارغوسک دخی ارسالی حقیقده
 مقری کوی قائم مقاملغنه اشعار قلمدیغنی وارنبود
 سعید اغا و زیبک قره بتک کوندرلدیکی در سعادت
 پولیس مدیریتمدن جواباً بیلدیرلش و بکجی قاپریل
 دعوت واقعه اوزرینه ورود ایتش اولدیغندن
 ماه مزبورک اون بشیمی چهارشنبه کونی متهمون
 مرقومون قانون داره سنده توفیقخانه دن و سودجی
 حسن دخی محل اقامتدن جلب اوله رق و کیلاری
 اسمریان سرکز افندی یانلرنده اولدیغنی و مدعی
 عمومی معاونی حقیقک حاضر بولدیغنی حالده
 دوام محاکمه علنییه بالابتدار قرائت ایلملان
 ضبط سابق مندرجاتنی طرفین تصدیق ایتمکلرندن
 صکره گلش اولان ارنبود سعید اغا و بکجی قاپریل
 قانون مزبورک ایکویز التمش سکزیجی ماده سنه
 توفیقاً بعدالتخلیف و زیبک قره بت دخی بلا تخلیف
 منفرداً و مواجعه سولندیرلده بونلردن ارنبود
 سعید اغا حاجی ابراهیم نامنده برینک واسطه سیله

کورمه اولدیغی سودجی حسنک چشمه اقبیل
 یقوشنده قیامه جی اوغلنک دامادی قره بت افندیگ
 مغازه سندن بر سرقت وقوعه جقنی وآلات
 سارقنک کندو نزدنده بولدیغنی سوتلسی اوزرینه
 مرقومی باب ضبطیه کتوره رک قومیسر شعبان
 افندی به افاده سنی ضبط ایتدیرهش و بر قاج کون
 ایشی تعقیب و فاعلرینی تحری و بر کچه دخی مرقوم
 حسنک اخیاری اوزرینه اقرار چشمه ده زیگ
 قره بت نامنده بریسنی ارقه سنده آلات سارقه
 اولدیغی حالد طوتمش اولدقربنی و بوایشک
 فاعلری اولوب دردست ایدیلان زاقار و قازار
 و زیگ قره بت ولوسیکک اقرار جرم ایشی
 اولدقربنی قومیسر شعبان افندیگ کندوسنه
 حکایه ایلدیکی مثلاً مرقومونک مذکور قاصه بی
 قیردیرمی اوزره بولش اولدقربی روملایله دخی
 مواجهه ایدیلوب تکرار فعل سرقتی اجرا ایده جک
 ایدک دیو حضورنده اقرار جرم ایشی بولندقربنی افاده
 و بکچی قاپریل دخی بر بازار کونی بکچیلک ایتدیکی
 قره بت افندیگ مغازه سنک اوست طرفنده بولان
 قازارک قهوه خانه سنده راقیسنه کاغد اوینابوب
 زاقار ولوسیک و مارغوس و در خاطر ایده مدیکی
 بر قاج کشیلر ایله میخانه به کیدوب عشرت ایتدکاری
 ایشاده مرقومونک وقوع طلبیرینه سینی المش
 اولدقربی فندقربی قیرمی اوزره نزدنده بولسان
 مختارلری مارغوسه و بردیکنی و اورادن چیقوب
 مرقوموندن ایرلدیغنی ولدی السؤل مغازه نک

بر قاصه ده ایکی اوج بیگ ایرا اولوب نه بولده
 سرفت ایده جکربینه دار فونشده قلابنی و ایکی
 دفعه ده قازارک قهوه خانه سنده زاقارله بر ایشه رک
 کیره جکربی مغازه نک حالنی کندوسنه اراشه
 ایدوب تکرار سرفته ایش تراکنی تکلیف ایش
 و کندوسی دخی عدم قبولده بولمش اولدیغنی
 و مرقومک اصراری اوزرینه سودجی حسنک
 کورشدیروب مرقومده مارغوسک قاصه قیرمده
 مهارتی اولدیغندن بخنله مارغوسی دخی بوایشه
 تشریک ایش و بش کون صکره زاقار و حسن
 و مارغوس قهوه خانه ده مذکور مغازه نک جایله
 کاغد اوینابوب میخانه به کیدرک مزه ایچون المش
 اولدقربی فندقربی قیرمی بهانه سیله مرقوم
 حالدن مغازه نک مختارلرینی بالاخذیروواسنی
 المش اولدقربنی و پرووایه موافق مختار اعمال
 ایتدیروب غلطه دن دخی قاصه بی قیردیرمی
 اوزره آدم تدارک ایش و بر قاج کچه مذکور
 مغازه به کیش ایشدرده اجرای سرفته موفق
 اوله هیوب غلطه دن کتوردکاری آلات و ادواتک
 حسنک نزدنده قاش اولدیغنی زاقاردن ایشدیکنی
 افاده ایلدیکی اکلایغله نه دبه جکی مرقوم زیگ
 قره بتدن صورلدقه افاده مذکور زیرنده کی امضا
 کندوسنک ایسه ده اویله بر افاده ده بولمش
 اولدیغنی مصرأ بیان ایشکله تدقیق انک بوندن
 عبارت ایدوکی بیان اولدقده معاون مومی ایله

حتی بک متهم زاقار ولوسیک و قازار واخوب
 و سودجی حسنک بالاشترک محمود باشاده واقع
 قیامه جی اوغلنک دامادی قره بت افندیگ مغازه
 سنده کی قاصه سنی شکست ایده رک ایچنده موجود
 اولان ایچینی سرفته تصدی ایتدکاری حالد
 اسباب مانعه حیلولیتله ماده سرفتی فعله کتوره
 مدکاری مرقوموندن زاقار ولوسیک و قازارک
 پولیس دائره سنده و حسنک دائره استنطاقده
 صراحتاً و زاقارک مؤلاً وقوع بولان اقرارلرینه
 عند الحاکم حاصل اولان اخبارات و دلائل
 و اماراتک انضمامی ایله تحقیق ایش و بونلردن
 حسنک حکومت اخبار کیفیتله مرقومونک
 دردستلری اسبابنی تسهیل ایش اولدیغندن
 بونلرک اولوجهله مجرمیتلرینک تحت قراره التمسنی
 ادعا و مدافعه و کبلی اسمریان سرکز افندی دخی
 موکلری حقنده سبب اتهام عد ایدیلان احوال
 موکلرینک پولیس دائره سنده و قازارک دائره
 استنطاقده مؤلاً وقوع بولان اقرارلری و بونلره
 انضمام ایدن دلائل و اماراتدن عبارت اولوب
 و حالبوکه موکلرینه اسناد اولنان فعل موجب
 جزا جرائمندن معدود اولیوب چونکه ایکوز
 اوتوزنجی ماده قانونیه ده محرر فعل سرفتک
 اجرا سنه تصدی ایدوب ده بداحتیارنده اولیان
 اسباب مانعه حیلولیتله برشی الهامش اولان
 خرسنلر حقنده تصدی ایلدیکی فعلک درجه سنه

حکامک تأمین وجدانیله حکمک صدورینه حجت
 اتخاذ اولندیغندن هر تقدیر ضابطه عدلیه
 مأمورلریک شایان اعتماد اولدقلری درکار ایسه ده
 خطیبات و قوعی دخی قابل انکار اولدیغندن
 بوکا امکان بر اقامتی ایچون ضبط ورقه لرینی تنظیم
 ایله جکری ائتمه بر دیکریک دخی حضوری
 حکم قانون اقتضاسندن بولنش واسنه شو ودها
 سائر نیجه شرائطی جامع اولان ضبط ورقه لری
 اسباب ثبوتیه دن عد اولوب عکسی حالده ایسه
 کآن لم یکن حکمنده طوتیه جفنی ودعوای
 حاضرده موکلری علیهنده استعمال اولتیق
 استیلا و ضبط ورقه سی نامیله یاد اولمان ورقه ده
 ایسه شروط تنظیمه اساسیه دن بری وبلکه
 باشلوجه سی اولان تنظیم ایدن مأمورک امضای
 کوربله مامسی واره برده اچق صحیفه مشاهده
 اولتمسی ومواجهه لرده قرائت اولنوبده تصدیق
 ایتدیلماسی کی دهانیجه تفایض قانونیه کورلمکده
 اولدیغنی ومحکمه حضورنده و صورت علیهنده
 متهمک ویا خود وکیل مدافعک افاده لرینک زیاده
 ونقصان اولدهرق ضبط ایلمش اولوب اولدیغنی
 تحققی ایتک ایچون ضبطنامهک حضور طرفینده
 قرائت ایلماسی واشبو ضبط ورقه سک رئیس
 محکمه وضبط کاتبی طرفندن امضا ایلماش بولتمسی
 مندرجاتنی کآن لم یکن حکمنده عد ایدن اصول
 محاکمک اوچبوز التجبی ماده سنه قیاس ایدیلنجه
 اول نسبتده وبلکه دهاز زیاده حاز اهمیت اولان

کوره سرقت جزای اجرا اولنور قهر سی
 سرقته تشبث ایدوبده اسباب مانعه حیلولت ایتکمسز
 ین کندو ندامتیه سرقتدن فارغ اولان آدمک دوچار
 مجازات ایلمسنی ایجاب ایتدیرمیوب تکیم رکسه
 فعل سرقتک اجراسنی ذممنده قرالشدیره رق آلات
 لازمه بی دخی تدارک وبرغازه ویا برخانه بی الات
 موجوده سبله آچهرق دخول و اشیا ومجوهراتی
 سرقت ایتش ایکن هر نصلسه کندوسنه برندات
 کله رک مال مسروق ترکله عودت ایدر و بر ساعت
 صکره الات مذکوره یئنده اوله رق در دست
 ایدیلور ایسه بونده اسباب مانعه اولدیغندن
 موجب جزا در دنیله میه جکنی واسباب مانعه
 حیلولتی فعلک حین اجراسنده در دست اولمان
 کیسه لر حق لرنده دنیله یلوب حالبوکه موکلری
 محل سرقتده در دست اولدقلرینی ومخبرک سرقتی
 قیشه بر ایدیلر دهرک کلوب حکومنه خبر وررسی
 اسباب مانعه دن عد ایله میه جکنی واکر چه
 موکلرینک بوبله بر فعلده بولنش اولمسی لازمکسه
 کندولرینه بول ویربله رک مغازه نک ایچنده در دست
 ایدلمسی ایجاب ایله جکنی و حقوق عمومیه
 دعوالرنده صور ثبوتیه باشلوجه ایکی نوعه منقسم
 اولوب برنجیسی عکسی ثابت اولدیجه مندرجاتی
 محقق عد اولتیق لازم کلان ضبط ورقه لری
 ایکیجیسی شاهدلرک افاداتی ایدوکنی وضبط
 ورقه لری معاملات اساسیه مهمه دن بولنوب

تحقیقات ایشیه ورقه سی امضاسز بولدیغنی
 تقدیرده احکامک حکم و تأثیرینی هیئت محکمه به ترک
 ایدلیکنی ومخبر حسنک افاده سنه کلنجه مرقومک
 طورنده بیطرفلیق وقولنده صافلیق کوربله میوب
 میدانه قویمش اولدیغنی بر فعلی اثبات ایچون
 هر برشی س و بیلجه جکی طبعی اولوب سوزینه
 اعتبار اولتیق لازمکسه وافاده لرینه مراجعت
 ایدلسه کرک اختیار پروواسنک التمسنی و کرک آلانک
 تدارکنی هب مارغوسه عطف ایدرک برابرکتدک
 آلتی الدق دیدیکی مثللو محل سرقته و غلطیه به
 کیدوب روملری بولدقلرینی مارغوسله قره بته عزو
 واسناد ایتش والات سارقه دخی حسنک نزدنده
 بولنش وقره بتک اوزرنده طوتلش اولدیغندن
 بوجهتک قطعاً موکلرینه شمردلی اولدیغنی حالده
 آنلرک منع محاکمه لرینه قرار ویرلسی وموکلرینک
 جنایتله اتهام ایلمسی موافق معدلت اولدیغنی ومو
 کلرینک بواشده بولدقلرینه وآلات سارمه نک کتورلمسی
 وسارمه کی ماده بر فعل وحرکتلری اولدیغنه دائر
 بر خبر و دلیل واماره دخی موجود اولدیغنی بالبیان
 موکلرینک برائت ذم لرینه قرار ویرلمسنی طلب
 ایتلرله ولدی السؤال طرفینک بشقه بر دبه جکری
 اولدیغنی اکلا شغلله محاکمه نک ختام بولدیغنی بیان
 اولنهرق مذاکره او طه سنه کلندی

طرفینک ادعا ومدافعاتک استماعندن واوراق
 تحقیقیه نک مطالعه وتدقیقندنصکره ایجاب کیفیت
 لدی المذاکره متهملر دن زاقار ولوسیک هر تقدیر

انکار تهمت ایتکده ووکیل مومی الیه دخی
 روجه محرر مدافعه ده بولتمده ایسه لرده مرقوملرک
 بالاتفاق محمود پاشاده واقع قیامه جی اوغلاک
 دامادی قره بت افندیک مغازه سنه کی قاصه بی
 قیروب ایچنده موجود اولان ایچه بی سرقت ایتک
 اوزره مذکور مغازه نک بکجیسی قاپر بلی میخانه یه
 کتوروب وحیل ودرسایس استعمالیه مغازه نک
 اختصارلرینک پروواسنی الوب اختصار اعمال
 وقاصه بی قیرمقی اوزره دخی آلات تدارک ایتدیر
 دکارینی وفعل سرقتی ایقاع ایچون ایکی اویج دفعه
 لیلانمذ کور مغازه نک یانه واردقلری حالده مغازه نک
 بولدیغنی زقاغک مارین و عابریندن حالی اولماسی
 جهتیه فعله چیقاره مدقلرینی وجانب حکومته
 اخبار کیفیتله مرقومونی در دست ایتدیردیکنی
 متهملر دن سودجی حسنک حضور محکمه ده دخی
 افاده ایتسنه ومرقومک بوافاده سنی مؤید ومصدق
 اوله رق زاقار ولوسیکک پوایس دائره سنه
 صراحة ونسبه زاقارک دائره استطاقده مؤلاً
 جرم لرینی اقرار واعتراف ایتش اوللرینه وبکجی
 قاپر بلیک دخی میخانه یه کتوریلوب بر تقریب
 نزدنده بولمان اختصارلرینک مرقومون طرفلرندن
 التمس اولدیغنی اخبار ایتسنه ومنع محاکمه سنه
 قرار ویرلمش اولان زیبک قره بتک دخی پولیس
 دائره سنه حسن و زاقار ولوسیکک اقرار لرینی
 تصدیق وتکرار ایتش اولسنه ومرقومونک

تدارك ايتش اولدقلى آلات مياننده ظهور ايدن
 انختسار پروواسنك مومى اليه قره بت افنديسك
 مغازه سنك انختارينه موافق اولديغنىك بالمعاينه
 اكلاشديغى اساس ژورنالنده محرر اولسنه
 ومرفومونك پوليس دائره سنجه اولان اقرار واعتراف
 غلى ضبط و محرر اولنور ايكن حاضر بولندقلىنى
 پوليس راسم وحدى افنديلر ايله ارنبود سعيد افا
 مع الخلف اخبار ايدوب بوباده اولان اعتراض
 ومدافعه به محل قالماس اولسنه ومرفومونك
 تصدى ايتدكلى سرقنك اجرا سندن كندولرى
 ندامت ايتش اوليوب بالعكس بوايشدهكى اسباب
 مانعه زقافك مارين و عايريندن حالى اولماسى
 مادهسى ايدوكندن مرفومونك تصدى ايتدكلى
 سرقنك فعلنك موجب مجازات جرا تندن معدود
 اولديغى بدبى اولسنه واشبو تعداد ايديلان
 اسباب ثبوتيه يكديكرينى مؤيد كورلكه قاتوناً
 مقبوليتى دركار وتأمين وجدانه كافي بولسنه مبنى
 مرفومان زقار ولوسيكك انكارلرى واهى ووكيل
 مومى اليهك مدافعاتى اسباب مبسوطه قانونيه ايله
 مردود بولنديغندن بولردن زقار ولوسيك
 وحسنك بالاشتراك مجود باشاده واقع قيامه جى
 اوغلك دامادى قره بت افنديك مغازه سندهكى
 قاصه سندن سرقنك فعلنه تصدى ايتدكلى حالده
 محل مذكورك مارين و عايريندن حالى اولماسى
 كى اسباب مانعه حيلوليتله فعله چيقاره مدقلى
 تحققي ايتديكندن بولردن زقار وحسنك اتفاق

ولوسيكك اكثريت ثلثان آرا ايله مجرميتلرينه و حال
 اغوبك فعل مذكورده مدخل ومعلوماتى اولديغنه
 دائر درميان ايديلان احوال حكم ايچون تأمين
 وجدان ايله مديكندن برائت ذمتنه بالاتفاق
 وقهوه جى قازارك نجر يمنده اكثريت قانونيه
 حاصل اوله مديقندن برائت ذمتيله بشقه رسيدن
 طولايى موقوف دكل ايسه تخليه سديلرينه قرار
 ويريلوب اولبايده تنظيم اولنان قرار نامه علناً
 قرائت اولندقدن معاون مومى اليه حقي بك
 مجرميتلرى تحت حكمه النانلردن زقار ولوسيكك
 قانون جزانك ايكوز اوتوزنجى مادهسى علاوهسى
 موجبجه ايكوز يكرنجى ماده سنه توفيقاً تعيين
 مجازاتنى وحسنك اشبو سرقنه تصدى فعلنى
 حكومه اخبار و فاعلرينك اسباب دردستنى
 تسهيل ايلديكى جهته مرفوم حقنده كى ايكوز
 اوتوزنجى ماده قانونيه علاوه سنك اوچنجى
 فقره سى حكمنجه معامله اولنمى ادعا ومدافعه
 وكيلى سرگز اسمريان افندى دخی موكلربنك
 تخفيف جزالرينى طلب ايتلرله مذاكره او طه سنه
 عودت اولندي

جهت جزايه لرى حقنده دخی ايجاب كيفيت
 لى التذكر مجرميتلرى تحت حكمه النان زقار
 ولوسيكك حركتلرى قانون جزايه نك ايكوز
 اوتوزنجى مادهسى علاوه سى موجبجه ايكوز
 يكرنجى ماده سنه وحسنك مشترك بولنديغى

اشبو سرقنك حقنده حكو منجه تحرياته شروعدن
 مقدم اخبار كيفيت و فاعلارك دردستى امرنده
 ارأه تسهيلات ايتش اولسندن ناشى بو حال دخی
 ايكوز اوتوزنجى ماده قانونيه علاوه سنك
 اوچنجى فقره سنه مطابق اولديغنه ومذكور
 ايكوز اوتوزنجى ماده سنك علاوه سنده فعل
 سرقنك اجرا سنه تصدى ايدوبده يداختيارنده
 اوليان اسباب مانعه حيلوليتله برشى الهاماش
 اولان خرسنلر حقنده تصدى ايلديكى فعلك
 درجه سنه كوره سرقنك جزاسى اجرا اولنور
 و ايكوز يكرنجى ماده سنده دخی هر نقدر انسان
 اقامت ايدر محل اولسه و يا خود مسكون محله
 متعلق بولنسه يله قپالى و ديوار ايله محدود اولان
 محلك ديوارينى دلهرك و يازردبان ايله آشهرق
 و يالت مخصوصه ايله قپوسنى آچهرق خرسنلر
 ايدنلر موقتاً كوركه قونيلور و ايكوز اوتوزنجى
 ماده علاوه سنك اوچنجى فقره سنده دخی
 سارقله رفيق و معاون و يتاق اولنلردن هر قنغيمى
 تحرياته شروعدن مقدم كلوبده اصل سارقلى
 حكومه خبر و برور و يا خود تحرياته شروع اولندقدن
 صكره دخی بنه كندولكندن اوله رق كلوب
 و سارقلى خبر و پرونده انلك اخذو كرفتى اسبابى
 تسهيل ايدرايسه بومقوله لياكز سرقنك جزاسندن
 عفو اولنورلر فقط برسنه بى تجاوز ايتامك اوزره

ضبطيه نظارتى التنده بولنورلر دو محرر بولنديغنه
 مبنى بوماده لر احكامنه توفيقاً بولردن زقار
 وقازارك ابتدائى توقيفلرى اولان اوچوزالتى سنه سى
 صفرينك سكرنجى كونندن اعتباراً بعد الشهر
 اوچر سنه مدته كوركه قونلرينه وحسنك دخی برسنه
 مدته ضبطيه نظارتى التنده بولندبرلسنه وضبط
 واعلام واستنطاق خرجلرله خنده اجرت
 قدميه سى اولان جمعاً ايكوز سكرسان ايكي
 غروشك دخی مرفومان زقار ولوسيكك
 بالتحصيل عدليه وزنه سنه تسليم ايتديرلسنه
 اوچوزالتى سنه سى جى جى الاوليسنك يكرمى
 سكرنجى و اوچوز درت سنه سى كانون ثانیسنك
 اون سكرنجى كوفى بالاتفاق قرار ويريلوب
 قانونك ارأه و تعريف ايلديكى وجهله تفهيمى اجرا
 و اصول محاكمه جه معين اولان معاملات دخی
 ايضا قلندي

اعلان

غلطه ده ساکنه مار بقوبه قتل قصده سلاح چکدیی ادا سینه مظنون علیه اولوب حال فرارده بولنان اوزون بویلی قره بیقی قره کوز و صاچلی اسمرجه بکزی بکرمی اوج یاشنده تبعه دولت علیه دن غلطه ده قوشلی زقاده براوطه ده ساکن جوانی ولد اوسبک فعل مذکوره جرأته فرار ایلدیکی اوراق تحقیقه مألرندن اکلشلس و حرکتی بوز سانسجی ماده قانونیه حکمنه موافق افعال جنایه دن بولنش اولغله مرقومک اولوجهله جنایته اتهامنه قرار ویرلمش ایدوکندن هر زرده کوریلور ایسه طویلوب درس عادت جنایت محکمه سی توقیفخانه سنه تسلیمی لازم کله جکی بالجمله ضابطه عدلیه مأمور لرنک معلومی اولق اوزره اشبو اخذ و گرفت مذکره سی استیفاف جنحه دآره سنده مشکل هیئت اتهامیه دن بانتظیم اعطا قلندی .

فی ۱۴ شعبان سنه ۳۰۶
فی ۳ نیسان سنه ۳۰۵

اوجیوز بر سنه سی ایلولک اون یدنجی چهارشنبه کونی توقیفخانه دن حبسخانه عمومی به کنورلدیکی صره ده فرار ایتدیکی ادا اولمسندن طولابی مظنون علیه دن اولوب ایوم وادی فرارده بولنان بتلیس ولایتی داخلنده کاش سمره قصه سی اهالی سندن اورته بویلی قاره قاشلی قاره کوزلی قاره بیقی کرد رشید حقنده اوراق تحقیقه ده درمیان اولنان دلائل و امارات اتهامنه کافی اولدیغندن و حرکت واقعه سی دخی قانون جزنک یدنجی ماده سنک فقره اولیمی حکمنی مستلزم افعال جنایه دن بولندیغندن مرقومک اصول محاکمات جزایه قانون موقنک باب رابعنک فصل نایسنده محرر مواد احکامنه توفیقاً درس عادت جنایت محکمه سنده غیباً اجرای محاکمه سنه قرار ویرلدیکندن متهم مرقوم کرد رشید هر زرده کوریلور ایسه طویلوب محکمه مذکوره حبسخانه سنه تسلیمی لازم کله جکی بالجمله ضابطه عدلیه مأمور لرنک معلومی اولق اوزره اشبو اخذ و گرفت امری درس عادت محکمه استیفافیه سی جنحه دآره سی زنده مشکل هیئت اتهامیه دن بانتظیم اعطا قلندی .

فی ۲۵ رجب سنه ۳۰۶
وفی ۱۵ مارت سنه ۳۰۵

بیک اوجیوز درت سنه سی تموزینک اوتوز برنجی بازار کونی لغه جوارنده کورجکی باشی محله سنده ساکن فسجی اصنافندن عثمان افانک مخدومی اشرف افندی بی مقری کوبنه کیتک اوزره بر لیکده الوب قایقجی طاهرک قایغنه را کباً کتمکده لر ایکن اطهر آچیق لرنده کندوسی باغلیه رق صورت جبریه ده فعل شنیع اجرا و بعض محلازینی جرح ایتدیگری ادا اولمسندن طولابی مظنون علیه اولانلردن غیباً جنایته اتهام اولنان و ایوم وادی فرارده بولنان اوزنجه بویلی آچیق النلی سینه صاچ و قاشلی قره کوزلی سیوری برونی آزمطروش و سیور بجه چکله متناسب اغزی بیاضجه بکزی شهر امانتی و رکوقلی مداوملرندن استانه لی توفیق و دیگری اورته بویلی اچیقجه النلی قرال صاچ و قاش و مطروش چکله تریقی الا کوزلی کوچک مدور برونی بیوکجه اغزی بغدادی بکری سلیمانیه مکتب ملکیه رشیده سی اوجنجی سنه سی شا کر دانندن استانه لی عادل افندیلر شمدی به دکن اله پکوریله مامش اولغله اصول محاکمات جزاییه قانوننک اوجیوز یتش برنجی ماده سی احکامنه توفیقاً قانونه اطاعتله محکمه به کلک اوزره کندولرینه اشبوتاریخدن اعتباراً جانب ریاستدن مجدداً اون کون مهل ویرلمش اولغله مدت مذکوره طرفنده محکمه به کیدگری تقدیرده قانونه اطاعت ایتامش نظریله باقیله رق محاکمه غیبیه لر ی بالا اجرا حقوق مدنیه دن اسقاط و مالاری حجز

اولنه جنی و بومدت طرفنده برکونه دعوی اقامه سنه حقلمی اوله میه جنی و بولند قلمی محلازی بیلنلر خبر ویرمکه و بالجمله ضابطه عدلیه مأمور لرنک علی الاصول کندولرینی طومغه مجبور بولند قلمی بیایله اعلان کیفیت اولنور
وفی ۲۲ مارت سنه ۳۰۵

محمد رائف افندی ایله همشیره سی خدیجه خانمک درس عادت بدایت محکمه سی برنجی حقوق دآره سندن وریلان فی ۲۷ اغستوس سنه ۳۰۳ تاریخلی اعلام موجبنجه برر سیمون ذمتنده آلا جقلمی اولان میافع معلومه تک تأمین استیفاف سی چون تحت حجزه النان حطب قیوسی جوارنده قبله چشمه سی اتصالنده اون سکر نومرو ایله مرقم برباب قهوه و پروکار دکاشنده مدیون مرقومک متصرف اولدیغی نصف ملک حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جنی درس عادت اعلامات نظامیه اجرا دآره سندن اعلان اولنور

فی ۶ نیسان سنه ۳۰۵

مذکورہ نیک غیباً فصل و رویت اولئہ جنی اعلان
اولنور

فی ۱۵ شعبان سنہ ۳۰۶

و فی ۳ نیسان سنہ ۳۰۵

موسکیان ارداق ولدنشائک نیکو ط وانطرائیک
و پارس ذمئلرندہ غلطہ محکمہ شرعیہ سندن
ویریلان فی ۱۷ رجب سنہ ۳۰۶ تاریخلی برقطعه
اعلام شرعی موجبہ آلاجنی اولان مبالغ معلو
مہنک تأمین استیفاسی ضمندان مدیون مرقومانک
عہدہ لرنده اولوب قطعياً مفروغ بولنان روم ایلی
حصارنده اربا امینی محلہ سندن بایر زقاغندہ واقع
تخمیناً یوز زارع عتیق عرصہ دہ اخشاب اولہرق
مجدداً مبنی بش او طہ وایکی صوفہ و بر او التي
و بر مطبخ و بر صرنجی مشتمل عتیق اوتوز و جدید
اون بش نومرو ایله مرقم بر باب خانہ اشبو تاریخ
اعلان اعتباراً اون بش کون صکرہ بالمزایدہ
فروختہ تشبث اولئہ جفندن طالب اولنلرک پی
سورمک و بوندن دہا زیادہ معلومات المق استیانلرک
مدت مذکورہ ختامندن صکرہ در سعادن اعلامات
شرعیہ اجرا دائرہ سنہ مراجعت ایلیری اعلان
اولنور

فی ۶ نیسان سنہ ۳۰۵

مطبعہ عامرہ طبع اولنلرک

امین بابانک لیبیہ حام ذمتندہ بااعلام آلاجنی
اولان مبالغ معلومہ نیک تأمین استیفاسی ضمندان
مدیونہ مومی لہانک مالی اولوب تحت جزہ النان
اسکداردہ پاشا لیمانی جادہ سندن واقع متصرفہ
اولدینگی مکرر طقسان سکز نومرولی بر باب
ساحلخانہ عرصہ سنک فروختی محکوم بولنمہ لہ
تاریخ اعلان اعتباراً اون بش کون صکرہ بالمزایدہ
فروختہ مبادرت اولئہ جنی اسکدار بدایت
محکمہ سی اجرا دائرہ سندن اعلان اولنور
فی ۲۸ مارت سنہ ۳۰۵

غلطہ دہ چشمہ میدانندہ ۲۷۸ نومرولی یشیل دیرک
فروندنہ ساکن تبعہ دولت علیہ دن و فرونجی
اصنافندن لیغور ولد ایساق کندوسنجہ اقامتکاهی
مجهول اولان توتون فابریقہ طوری شہباز زاده
راشید افندی علیہنہ در سمدات بدایت محکمہ سی
برنجی حقوق دائرہ سندن فک جز دعواسی اقامہ
ایتمکہ دائرہ مزکورہ جہ دعوا ی واقعہ نیک رویتی
شہر مابسک آلتنجی جمعہ ابرتسی کونہ
قرار لشدریلوب اولیابدہ تنظیم قلنان ورقہ دعوتیہ
دخی محکمہ دیوان خانہ سنہ تعلیق ابدلش
اولدینندن اصول محاکمہ حقوقیہ قانون موقتیک
یکرمی التنجی مادہ سی موجبہ افندی مومی الیہ
ہرزودہ ایسہ یوم مذکورہ ساعدت التي رادہ لرنده
دائرہ مزکورہ یہ کلہ سی و کلہ دیکی حالہ دعوا ی